

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 39. sjednici, održanoj dana 14.01.2016. godine, d o n o s i

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport, doneseno po Prijedlogu Općinskog vijeća Visoko, broj: 01/1-02-408/15., od 12.11.2015. godine, vezano za prijedloge JU Centar za kulturu i edukaciju Visoko i JU Zavičajni muzej Visoko za Program rada Skupštine Zeničko-dobojskog kantona za 2016. godinu i čini sastavni dio ovog zaključka.

II.

Zaključak se upućuje u daljnju skupštinsku proceduru.

III.

Zaključak stupa na snagu danom donošenja.

Broj: 02-_____/16.
Datum, 14.01.2016. godine
Zenica

PREMIJER

Miralem Galijašević

DOSTAVLJENO:

1x Ministarstvu za obrazovanje, nauku, kulturu i sport,
1x Stručna služba Skupštine,
1x a/a.

U vezi sa aktom Stručne službe Skupštine Kantona, broj: 01/02-34-17985-3-2/15., od 01.12.2015. godine, u dijelu koji se odnosio na podnesene inicijative Općinskog vijeća Visoko, podnesenu predsjedavajućoj Skupštine za donošenje Programa rada Skupštine Kantona za 2016. godinu, a vezano za sugestije JU Centar za kulturu i edukaciju Visoko i JU Zavičajni muzej Visoko i koje se odnose na oblast kulture, resorno ministarstvo daje sljedeće:

MIŠLJENJE

Kada su u pitanju sugestije Centra za kulturu i edukaciju Visoko naglašavamo da Ministarstvo za obrazovanje, nauku, kulturu i sport u sklopu svojih redovnih aktivnosti između ostalog prati stanje u oblasti kulture i iznalazi najpovoljnije modele podrške razvoju sektora kulture na području Zeničko-dobojskog kantona. Sredstva se dodjeljuju transparentno i prema utvrđenim kriterijima, a prije svega u zavisnosti od usvojenog Budžeta Kantona. Predmetne sugestije se prvenstveno odnose na svakodnevne aktivnosti Ministarstva za obrazovanje, nauku, kulturu i sport, odnosno Sektora za kulturu i sport koji, u izuzetno teškoj finansijskoj situaciji, u skladu sa zakonima iz oblasti kulture, prati stanje i iznalazi najpovoljnije rješenje za funkcioniranje sistema kulture na području Zeničko-dobojskog kantona. Step implementacije Strategije kulturne politike, a kako su i upoznati i predstavnici općine Visoko, ali i Centra za kulturu i Zavičajnog muzeja Visoko, se redovno prati i predmetom je razmatranja Vlade i Skupštine Kantona.

Sugestije JU Zavičajni muzej Visoko također se suštinski odnose na redovne aktivnosti Ministarstva za obrazovanje, nauku, kulturu i sport u sprovođenju kulturne politike Zeničko-dobojskog kantona. Naime, Ministarstvo za obrazovanje, nauku, kulturu i sport je u toku 2015. godine provodilo sve obaveze po osnovu Strategije kulturne politike Zeničko-dobojskog kantona za period 2014-2020. godina, pogotovo aktivnosti na zaštiti kulturno-historijskog nasljeđa. S tim u vezi napominjemo da je usvojen Zakon o izmjenama i dopunama Zakona o zaštiti kulturne baštine. Usvojen je Elaborat o opravdanosti osnivanja Zavoda za zaštiti kulturne baštine. U pogledu dodatnog finansiranja rada ustanova kulture, napominjemo potrebu angažiranja osnivača ustanova kulture u sufinansiranju redovnih aktivnosti. S obzirom na činjenicu da se, u zavisnosti od općina (koje su osnivači ustanova kulture), postotak finansiranja kreće uglavnom od 5-10% u odnosu na finansijska izdvajanja Zeničko-dobojskog kantona, Ministarstvo za obrazovanje, nauku, kulturu i sport, nema mogućnosti za povećanje budžetskih sredstava namijenjenih za finansiranje ustanova kulture.